

而彼愚夫不了知
隨應所起大悲心
佛證最上勝菩提
坐已普觀衆生界
佛見極生哀愍心
憍慢等法所迷著

如是身心自性故
爲令了知此理法
自然智尊坐道樹
旋轉種種惡趣中
生死輪中大悲轉
見網纏覆苦計樂

無常不淨我衆生
佛見極生哀愍故
癡蓋徧覆三有中
如日光明雲所覆
佛見極生哀愍心
貪愛故生諸惡趣

此等顛倒而計執
於取著中大悲轉
暗冥悉無光明照
無垢智光悉隱蔽
生死輪中大悲轉
破壞正道而極壞

地獄傍生餓鬼中
如先佛說諸正道
佛見極生悲愍心
了知諸法如實性
如佛所說諸世間
舍利子如是所說是爲如來不可思議大悲

衆生業故皆墮落
開明顯示爲衆生
生死轉中大悲轉
廓然明照等虛空
不知最上清淨法
爲如來不可思議大悲

之法諸住信菩薩聞是法已應生淨信超越
分別離諸疑惑後復生起身喜心喜發希有
想

佛說大乘菩薩藏正法經卷第十四 趙四

佛說大乘菩薩藏正法經卷第十五 趙五

要譯經三藏朝散大夫試光祿卿傳梵大論師紫雲山日法護等奉詔譯

如來不思議品第四之九

復次舍利子如來所有十八不共佛法諸住
信菩薩聞是說已應生淨信超越分別離諸
疑惑乃至發希有想而是十八種法如來以

趙五

具足故了知勝處於大衆中作師子吼轉妙
梵輪餘諸沙門婆羅門悉不能轉所有一切
世間天人魔梵無與如來同其法者云何名
爲如來十八種法一者如來三業無諸過失
所謂身無過失故若智若愚無與如來同法
語者何以故佛世尊者身業清淨無諸過失

如來身相端直諸威儀道進止可觀若向若背若屈若伸都無缺失被僧伽梨執持應器而僧伽梨衣離地四指毗藍婆風不能吹鼓舉足下足行住坐卧威儀如法於城邑聚落若入若出下足按地而不損觸千輻輪相於虛空中雨衆蓮華及諸妙香又復如來足按

地時傍生趣中諸衆生類於七夜中悉得快樂命終之後得生天界佛身光明普遍照耀下至阿鼻地獄彼諸衆生蒙光照觸皆獲樂受此名如來身無過失又復如來語無過失此語無過失者若智若愚無與如來同法語者何以故舍利子如來所出語言悉知時故

是如實語誠諦語平等語如說能行語無衆雜語令諸衆生歡喜語無重複語善文善義妙莊嚴語以一語言音聲隨諸衆生種種意樂咸生歡喜語此名如來語無過失又復如來心無過失此心無過失者若智若愚無與如來同法語者何以故舍利子如來雖常住

等引心而不捨離一切佛事常所施作心無所觀於一切法無礙知見而常運轉此名如來心無過失即以如是心無過失之法爲諸衆生亦然宣說普令斷除諸心過失此等是名如來第一不共佛法

舍利子如來心無愛著所有一切魔及魔衆并餘邪異外道於佛如來伺不得便何以故如來若順若逆若尊重若損害皆已離故一切衆生若起尊重心亦不高若不尊重心亦不恚如來諸所作事已作見作悉無流散不起愛著亦復不與世間相違以如來心無愛著故修無諍行如來無我無執無取離諸結

趙五

二

縛是故如來無所愛著以其無故爲諸衆生亦然宣說斷愛著法此是如來第二不共佛法復次舍利子如來無失念若有失念即有疑暗以其如來無癡暗故即於禪定解脫等持等至悉無障礙所有一切衆生心行動轉普

觀察已即為如應宣說法要由無忘失故於諸法義樂說辯才及無礙解皆無忘失如來於過去未來現在具無礙智見故自解了已即為衆生廣大宣說過去未來現在無礙智見無忘失法此是如來第三不共佛法復次舍利子如來常住三摩呬多若行若住

若坐若卧若食食已或復默然心無所得如來已得其深三摩地法及最上波羅蜜多能觀所觀悉無障礙所有一切衆生及衆生聚中悉不能觀如來之心唯除如來加持力故如來常住三摩呬多心已即為衆生如應宣說三摩地中清淨捨法此是如來第四不共

佛法

復次舍利子如來無種種想不於種種想及諸境界而住其心何以故如來於刹土中無種種想刹土如虛空無有盡故於衆生中無種種想衆生自性無種種故於諸佛中無種種想法界無差別平等智故於諸法中無種

越五

三

種種想離貪法故如來於衆生中見具戒者不起敬心見毀戒者不起慢心不饒益者現起饒益無不饒益普饒益故不調伏者平等調伏邪定聚者亦不輕慢如來於一切法中起平等行此名如來無種種想即以此法為諸衆生宣說斷除種種之想此是如來第五不

共佛法

復次舍利子如來於諸捨法無不決擇何以故如來於修道者而行捨法非修道者亦不棄捨於修心者而行捨法非修心者亦不棄捨於修慧者而行捨法非修慧者亦不棄捨於

智行捨不棄愚癡捨出世間不棄世間於聖出離者而行捨法非聖出離者亦不棄捨如來轉妙梵輪而行捨法於諸衆生亦不捨離大悲之心如來自所證成平等捨法不假對治而能隨順舍利子又復如來於捨法中無高無下亦無所住已

得不動離於二法無出無入依時而捨不越於時無動搖無別異無分別無所觀無和合無表示無實無虛無誠無妄亦無領納如是如來捨法具足即以是法為諸衆生廣大宣說令捨法圓滿此是如來第六不共佛法復次舍利子如來於欲無減何名為欲謂善

法欲復何名無謂即如來大慈心欲無減大悲心欲無減說法欲無減化度衆生欲無減成熟衆生欲無減伺察欲無減教示菩薩欲無減令三寶種不斷欲無減如來所欲所向智為先導如是等如來所欲皆為令彼一切衆生圓滿無上一切智果如其所應宣說法

要此是如來第七不共佛法復次舍利子如來精進無減以其如來精進力故普為化度一切衆生不捨精進令聽法者不生疲倦如來於聽法者亦無所得觀其法器如來隨應為說法要是不生疲倦亦無中止當說法時不念飲食於其中間不捨衆生

趙五

四

如來過度殞伽沙數等諸佛刹其中若有一衆生未化度者如來身語心業悉無疲倦三業輕安發起精進如理勤行令諸衆生得聖解脫是為如來為諸衆生大精進力此是如來第八不共佛法復次舍利子如來於一切處一切種諸念無

減如來正念悉無忘失何以故諸佛如來相續現證阿耨多羅三藐三菩提果所有一切衆生過去未來現在諸心如來悉能住持觀察如來於諸念中畢竟不復有所忘失隨諸衆生一切心行而悉了知如來不復思想觀視正念無減住三聚法了衆生根解入衆生

一切意樂觀衆生行如來亦無思惟伺察說法無斷所以者何隨其如來念無減故念即寂靜悉無忘失即以是法為諸衆生廣大宣說此是如來第九不共佛法復次舍利子如來等持無減所有如來等持之法即是一切法平等如其所說諸法平等

何名如來等持無減謂若真如平等即等持
 平等若等持平等即諸如來平等若入是平
 等法門此即說名三摩四多若貪際平等即
 離貪際平等若瞋際平等即離瞋際平等若
 癡際平等即離癡際平等若有為際平等即
 無為際平等若生死際平等即涅槃際平等

地五

五

若入是平等法門即名如來等持無減何以
 故由等持無減故即畢竟無減又復如來等
 持之法非眼相應非耳鼻舌身意相應如來
 於其諸根無所缺壞不依止地界亦不依止
 水火風界不依止欲界色界無色界不依止
 此界他界以無依止故即無所減是為畢竟

無減以其如來等持無減故即以此法為諸
 衆生廣大宣說普令衆生獲得如來等持法
 門此是如來第十不共佛法
 復次舍利子如來慧無減如來勝慧云何能
 知謂一切法不隨他信智無衆生壽者補特
 伽羅於法有所得智無盡無尋解善巧之智

分別句義智於一句中八百千劫加持宣說
 智隨諸所問各各宣說斷疑惑智於一切處
 無障尋智建立三乘善宣說智八万四千心
 行悉了知智八万四千法蘊隨應說智如是
 如來最上勝慧無邊無際說不能盡如其如
 來勝慧無減即為衆生廣大宣說慧無盡法

此是如來第十一不共佛法

復次舍利子如來解脫無減何名如來解脫
 無減所謂隨應悉令解脫諸聲聞衆聞聲解
 脫諸緣覺衆覺悟緣生而得解脫諸佛世尊
 離諸障尋二取解脫此說解脫者先際諸佛
 已性後際諸佛未至現在諸佛不住由是眼

色二取解脫耳聲鼻香舌味身觸二取解脫
 無取無著無依止解脫心自性明亮故智亦
 復然此說名為一心相中相應勝慧如來由
 是現證阿耨多羅三藐三菩提果如其所證
 即以此法為諸衆生廣大宣說此是如來第
 十二不共佛法

復次舍利子如來一切身業智為先導隨智
所行以其如來身業具足故一切衆生見佛
身者悉得調伏聞佛說法者悉得調伏觀佛
默然者悉得調伏觀佛受食者悉得調伏見
佛威儀者悉得調伏瞻佛衆相者悉得調伏
觀佛妙好者悉得調伏瞻佛不可見頂相及

趙五

六

放光者悉得調伏見佛舉足下足於城邑聚
落若入若出者悉得調伏諸佛如來於四威
儀道中而無不為衆生作調伏事此名如來
身業智為先導隨智慧行此是如來第十三
不共佛法
復次舍利子如來一切語業智為先導隨智

慧行何以故諸佛世尊不說虛假之法說無
斷法善樂說法如來諸有語言未知者令知
無高無下無紆煩語無屈曲語無麤澁語無
惡戾語無噉語善柔軟語無衰朽語無輕
動語無燒惱語無迅速語無遲緩語善分明
語善演說語善了知語妙說相妙音聲無破

缺無過失極甘美廣大殊妙無塵離塵無垢
無暗顯煥無礙和合明亮神通無劣音響不
破能生妙樂身得歡喜心極信順息除貪愛
息除瞋恚息除愚癡降伏惡魔制諸罪業息
邪異語止不了語如擊鼓音聲如迦陵頻伽
聲如帝釋聲如梵王聲如海潮聲如雲雷聲

如地振聲如鴈王聲如孔雀王遊戲聲如拘
枳羅聲如命命鳥聲如鹿王聲如笙篥聲分
明解了聲悅意樂聞聲甚深清亮無瘡痂聲
生妙樂聲生善根聲文句不斷聲文句樂說
聲義句和合聲法句和合聲知時聲順時聲
不越時聲知自他根善演說聲布施莊嚴聲

趙五

七末

持戒清淨聲忍辱柔和聲精進勇悍聲禪定
妙樂聲智慧畢竟聲大慈和合聲大悲無倦
聲大喜明亮聲大捨究竟聲建立三乘聲令
三寶種不斷聲安立三聚分位聲三解脫門
清淨聲觀四諦聲觀察智聲不毀智者聲諸
聖稱讚聲知虛空無量聲諸相具足聲舍利

子此如是等是名如來一切語業智為先導
隨智慧行此是如來第十四不共佛法

復次舍利子如來意業智為先導隨智慧行
何以故如來心法而不可說如來意法識法
不可以智慧辯才而能測度如來智慧隨知
一切衆生心隨入一切衆生意通達一切衆

生智諸法決定諸等持法亦無他信超越所
緣離諸緣生息除三有及諸惡趣越諸魔法
諸魔異解脫諸諂幻法而悉遠離捨我我所
去除無明癡暗覆蔽修八正道離諸疑惑與
虛空等法界平等而無差別舍利子如是等
法是為如來所有意業智為先導隨智慧行

此是如來第十五不共佛法

趙五

佛說大乘菩薩藏正法經卷第十五

佛說大乘菩薩藏正法經卷第十六 趙六

譯經三藏朝教大夫試光祿卿光祿大夫大司馬兼侍中臣惟謙等奉 詔譯

如來不思議品第四之餘

復次舍利子如來於過去世中以無着無礙
智見隨轉所轉云何舍利子謂過去世諸佛
刹中若成若壞彼一切事如來以筭數方便

而悉能知又佛刹中所有的一切藥草樹林而
悉能知又佛刹中所有的一切衆生衆類衆生
施設而悉能知又佛刹中所有的一切衆生種
種性行種種色相周徧廣大而悉能知又佛
刹中諸佛出世作諸化事乃至一一廣為衆
生宣說正法或有衆生以聲聞法得化度者

或有衆生以緣覺法得化度者或有衆生以
大乘法得化度者乃至佛刹廣大諸苾芻衆
廣大壽量廣大正法住世廣大火近衆生欲
食受用等事乃至衆生出息入息如是所有
一切衆生過去世中一切諸相若生若滅諸
趣受生種種根性種種意樂佛悉能知如來